

حدوتة مرض

سألوني هو إنت عندك إيه
قالولى برد وأدوني دوى ليه
تانى يوم بقى امساك وعليه
الإثنى عشر تعبان وراعيه

صاحبى حبيبي جميل الحرف
معلم أسمه صالح و سباك
تعبنى قوى جهاز الصرف
ببقى عايز انط من الشباك

واحد تانى بيعزم وبلطف
خدلك صاروخ وانت ترتاح
يا أخى انا مليش فى الصنف
ما تجبلى احسن كيلو تفاح

قلت اهتم وجيب ربع فراخ
يمكن احس ان الألم راح
بطنى بقى جواها منفاخ
قلبي أتعسر أرحمني يا فتاح

جبت دوي يسلك المجارى
عملي إسهال فيه أغوص
قلت أنقصه وأشوف حالي
حجر ببطني كنت ح لوص

اللي عندي مش معروف
سمعت قلبي مات م الخوف
كان مخنوق والنفس مكروش
بقى إثني عشر وبكره نشوف

شهرين قالوا محتاج عمليه
خرم وقرحه كمان مستخبيه
لا تأجيل أو تاخير ولا ثانيه
الحمد لله نجحت ومقضىيه